



Broj: 03/1-50-14-7-35-7/17

Sarajevo, 8. 5. 2017.

PREDMET: Informacija o sastanku članova ZK za odbranu i sigurnost BiH s generalnim sekretarom NATO-a Jensom Stoltenbergom, 2.2.2017., Sarajevo

U Parlamentarnoj skupštini Bosne i Hercegovine (PSBiH) su 2.2.2017. članovi kolegija Doma naroda i Predstavničkog doma PSBiH, zatim članovi Delegacije PSBiH u Parlamentarnoj skupštini NATO-a, Zajedničke komisije za odbranu i sigurnost BiH, Komisije za vanjske poslove Predstavničkog doma i Komisije za vanjsku i trgovinsku politiku, carine, saobraćaj i komunikacije Doma naroda razgovarali s generalnim sekretarom NATO-a Jensom Stoltenbergom koji je boravio u službenoj radnoj posjeti našoj zemlji.

U otvorenom dijalogu zajednički je ocijenjeno da je saradnja Bosne i Hercegovine i NATO-a veoma dobra te da je vrlo bitan vid podrške ne samo refomskom putu Bosne i Hercegovine ka euroatlantskim integracijama nego ujedno doprinosi i unutrašnjoj stabilnosti BiH pa posredno i stabilnosti cijelog regiona.

U tom smislu, pozitivno je ocijenjen doprinos Štaba NATO-a u Sarajevu u provođenju programa u okviru integracionog procesa u NATO. Uprkos činjenici, kako je više puta naglašeno, da o članstvu u NATO-u u našoj zemlji ne postoji potpuna politička saglasnost, Bosna i Hercegovina zainteresirana je za što bolju saradnju s ovom alijansom te podizanje standarda i sposobnosti svojih oružanih snaga. Pozitivnim je ocijenjeno to što je nakon nekoliko godina usvojen dokument "Pregled odbrane".

Kao stvarna prepreka aktiviranju Akcionog plana za članstvo BiH u NATO-u (MAP) ponovo je istaknut usporeni proces knjiženja vojne imovine u vlasništvo Bosne i Hercegovine. Po riječima generalnog sekretara Stoltenberga, knjiženje vojne imovine pokazatelj je da država Bosna i Hercegovina ima stvarnu kontrolu nad vlastitim oružanim snagama a redefiniranje ovog uslova za MAP podrazumijeva konsenzus svih 28, a uskoro i 29 članica NATO-a.

Na sastanku je istaknuto zadovoljstvo time što Oružane snage BiH veoma uspješno ispunjavaju sve zadatke u okviru mirovnih misija i što su vrlo pouzdan oslonac NATO-u i UN-u širom svijeta.

Ocjenjujući susret s predstavnicima NATO-a kojem je prisustvovala i komandantica Štaba NATO-a u Sarajevu brigadna generalica Giselle Wilz vrlo korisnim, generalni sekretar Stoltenberg naglasio je da su vrata NATO-a za našu zemlju širom otvorena, ali da je članstvo u ovoj alijansi prije svega pitanje postizanja standarda i odluke koju mora donijeti Bosna i Hercegovina, a tek potom prihvatiti zemlje članice NATO-a.

Učesnicima ovog sastanka se u ime Zajedničke komisije obratio njen predsjedavajući Sifet Podžić.

U ime Zajedničke komisije sastanku su prisustvovali: Sifet Podžić, predsjedavajući, Borjana Krišto i Borislav Bojić, zamjenici predsjedavajućeg, te Ognjen Tadić, Bariša Čolak, Darko Babalj, Hazim Rančić, Mario Karamtić i Šemsudin Mehmedović.

Predsjedavajući Zajedničke komisije

Sifet Podžić

Dostavljeno:

- naslovu
- a/a